

商洛鼎銘

此鼎制甚大按以今太府權量爲斤若干其容若干銘曰惟十有四月旣死霸王在下都雖公誠作尊鼎原父以丁爲寧其說是也周旣都洛而以成周爲下宮所以異宗周也誠周古史考曰周公營作下都則今洛陽何休曰周成王所都也其曰十四月者蔡君謨嘗疑之此蓋自王之卽位通數其月爾或謂周之十四月爲夏之二月元命苞曰夏以十三月爲正故管子有十三月令人之魯二十四月魯梁之民歸齊二十八月萊莒之君請復之